



DEO OPTIMO MAX.
UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBET ARIIS DISPUTATIONIBUS
manè discutienda in Scholis Medicorum, die Jovis vigesima-octava
mensis Martii, Anno Domini M. DCC. XLVIII.

M. JOSEPHO-MARIA-FRANCISCO DE LA SONE,
Censore Regio, Regiæ Scientiarum Academiæ Socio &
Chirurgiæ Gallico Idiomate Professore, Doctore Medico,
Præside.

An in vulneribus profundè contusis incisiones cultro Chirurgico profundè in-
sistuta necessariam præparent aut promoveant suppurationem?

I.



N vulnere simplici vascula secantur. Tunc
fibræ viventes certò semper gradu tensæ, vi
elateris à se invicem recedunt, coarctantur,
fiunt breviores, corrugantur: vi vitæ tonicæ
adhuc dum vigent, adhuc dum oscillant: reparari valent
& rursus coalescere.

A

Hiantia illorum oscula paululum stringuntur : juxta vulneris parietes sanguini fit obex. Quid tum ? Stillat lymphæ nutritia. Sororiantur carneæ papulæ. Vulneris parietes coeunt. Glutine cicatrix sigillatur. Opus natura totum peragit.

Ergò nulla vulnerum sincera curatio , nisi vulnus quodcumque compositum , arte famulante , ad majorem , quàm fieri potest , simplicitatem accesserit , naturaque sibi ipsi reddita curationis laborem inchoet efficacem.

I I.

JAM verò inter vulnera composita unum sanè maximi momenti vulnus profundè contusum.

Hic non secando , sed lacerando , obtinendo dividuntur , discerpuntur fibræ , vasa. Circumquaque fit vulnusculorum accumulatio. Elater infringitur. Tonica vitæ vis eliditur. Actio moritur organica. Frigus lethiferum incumbit.

Ab hiantibus ruptorum vasorum fissuris liquores disfluunt. Spongiarum more imbuuntur partes : distenduntur : velut obruuntur. Sanguis stagnat : coagulatur.

Deindè vasa contusioni proxima , paululum collisa , à fluidis perpetuò appellentibus turgent : penè suffocantur.

Tum natura vires recolligit. Arteriæ viventes promptius , altius oscillant , insurgunt. Nascitur inflammatio vividior. Calor oritur intensior , putrefaciens. Gangræna imminet.

I I I.

RURSUS si contusio partem aponevroticam , nerveam colliserit ; ibi sensus acutior : celerior irritatio. Vi vitæ summè irritabili fibrarum textus circum-

3
quaquē coarctatur ; contrahitur : fit tensor : spasmus
rigit : acerbè distrahitur : convellitur : maximè dolet.

Strangulantur vascula. Stat sanguis ingurgitatus. Fortius arietant arteriolæ. Serpit, acuitur inflammatio. Vividior urit calor. Stagnans fluidum putrefit.

Fervidior ardet febris. Convulsis nervis mirè corpus succutitur inquietum. Mox expirantes naturæ vires indicat delirium.

I V.

PORRO quid hîc agendum ? Nec mora : sanguinem per venæ sectionem abundè, frequenter elimina. Partes attritas, tumentes, oppressas subleva. Profundis incisionibus exonera, evacua, refeca, aufer.

Quid tum ? Stagnans liquor, coagulatus, putredini addictus foras amandatur. Subjacentium tonus fibrarum aptè reviviscit, sibi redditur. Laudabilis suboritur inflammatio : benignam parit suppurationem. Contusæ disjunguntur escharræ, decidunt : in pus liquantur. Vulnus expurgatur. Fit simplex.

Rursus nerveas partes, aponevroticas strictiores, spasmo tensas, rigentes, strangulatas iisdem incisionibus relaxa, dilata, emolli.

Quid inde ? Tensor fibrarum textus remittitur. Vasa irritatione quasi suffocata, revincta solvuntur, oscillant. Fluidum spasmodicis obicibus non præpeditum facilius circumagitur circuitum. Fit salutaris inflammatio : pus.

V.

QUID quod ? auxilia minùs cruenta incisionum vices gerent ? Quid quod ? Carneis partibus attritis, elatere vitæque orbatis roborantia topica toni-

cam vitæ vim sola restituerent, adderent? Quid quod? sanguis extra vasa stagnans, spissescens per sola resolutiva refoberetur? Salutiferâ suppuratione diffunderet?

Quid quod? Et strangulatus partium nervearum, aponevroticarum textus: vasa spâsmo ligata, coercita, per emollientia sola laxarentur?

Repugnat morbi natura: reclamation observatio, experimentum. Ergo cultrum arripe salutiferum.

Ergò in vulneribus profundè contusis incisiones cultro Chirurgico profundè instituta necessariam præparant aut promovent suppurationem.

DOMINI DOCTORES DISPUTATURI.

- | | | |
|---|--|---|
| <i>M. Carolus-Ludovicus Liger.</i> | <i>M. Franciscus-David Herissant,</i> | <i>M. Joannes-Baptista Boyer, Re-</i> |
| | <i>gionis Regiæ Scientiarum Academi-</i> | <i>gis Consiliarius Medicus in</i> |
| | <i>miâ Parisiensi, necnon Regiæ</i> | <i>Senatu ac in Præfecturâ Pa-</i> |
| | <i>Scientiarum ac Humaniorum</i> | <i>risiensi, Serenissimæ Ceno-</i> |
| | <i>Litterarum Academiæ Ande-</i> | <i>manensis Ducissæ Medicus</i> |
| | <i>gavensis Socius & Chirurgiæ</i> | <i>ordinarius, & Censor Regius,</i> |
| | <i>Professor Vicarius.</i> | |
| <i>M. Joannes-Stephanus Guet-</i> | <i>M. Antonius Bergier.</i> | <i>M. Bernardus de Jussieu, Regiæ</i> |
| <i>tard, Regiæ Scientiarum</i> | | <i>Scientiarum Academiæ, Re-</i> |
| <i>Academiæ, & Censor Re-</i> | | <i>giæque Societatis Londinen-</i> |
| <i>gius, & Serenissimæ Aurelia-</i> | | <i>sis, Socius & in Horto Regio</i> |
| <i>nensis Ducis Botanicus.</i> | | <i>botanices Prædemonstrator.</i> |
| <i>M. Natalis-Maria de Gevi-</i> | <i>M. Jacobus-Franciscus le Chat</i> | <i>M. Joannes Astruc, Salubrit</i> |
| <i>gland.</i> | <i>de la Sourdière.</i> | <i>Consilii Regii Socius, Regis</i> |
| | | <i>Poloniarum Augusti secundi,</i> |
| | | <i>Electoris Saxonie, dum vi-</i> |
| | | <i>veret, Medicus primarius,</i> |
| | | <i>& Professor Regius.</i> |

Proponerebat Parisiis STEPHANUS-LUDOVICUS GEOFFROY;
Parisinus, Saluberrimæ Facultatis Medicinæ Parisiensis Baccalaureus,
A. R. S. H. 1748, à sextâ ad meridiem,